

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

СЕКРЕТАРИЈАТ
ЗАЈЕДНИЧКА СЛУЖБА

Истраживачки сектор



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

SEKRETARIJAT / TAJNIŠTVO
ZAJEDNIČKA SLUŽBA

Istraživački sektor

Broj: 03/10-50-18-43-11/25
Sarajevo, 12.9.2025.

Istraživanje broj: 378
Vrsta istraživanja: AN

FOND SOLIDARNOSTI EVROPSKE UNIJE

Pripremili: Aleksandar Mičić
Nihada Jeleč

Istraživanje je namijenjeno poslanicima i delegatima, koji mogu postaviti dodatna pitanja, sugestije i komentare na email adresu: istrazivacki.sektor@parlament.ba.

Javnost Bosne i Hercegovine može komentirati radove, ali Istraživački sektor nema mogućnost da odgovara na komentare i diskutira o istraživanju.

Informacije navedene u sadržaju istraživanja važeće su u trenutku pripreme istraživanja i one se ne ažuriraju nakon objave istraživanja.

Istraživanje ne odražava zvaničan stav Parlamentarne skupštine Bosne i Hercegovine (PSBiH).

Sadržaj

Uvod	1
Osnovne informacije o Fondu solidarnosti	1
Detaljnije o postupaku za dobijanje sredstava iz Fonda solidarnosti Evropske unije.....	3
<i>Pojava katastrofe</i>	3
<i>Procedura podnošenja zahtjeva Evropskoj komisiji</i>	3
<i>Procjena Evropske komisije</i>	4
<i>Odobrenje Savjeta Evropske unije i Evropskog parlamenta</i>	4
<i>Isplata sredstava</i>	5
<i>Realizacija sredstava u državi</i>	5
Propisi EU koje uređuje dobijanje pomoći iz Fonda solidarnosti	6
<i>Uredbe</i>	6
<i>Rezolucije Evropskog parlamenta</i>	6
Bosna i Hercegovina	8
Hrvatska	9
Sjeverna Makedonija	9
Srbija	9
<i>Kosovo*</i>	10
Slovenija	10

FOND SOLIDARNOSTI EVROPSKE UNIJE

Uvod

Ovlašteni naručilac je zatražio istraživanje o korišćenju sredstava iz Fonda solidarnosti Evropske unije (u daljem tekstu: Fond) od strane zemalja Zapadnog Balkana, među kojima se nalaze Bosna i Hercegovina, Crna Gora, Hrvatska, Sjeverna Makedonija, Srbija i Slovenija. Ovaj rad je pripremljen na njegov zahtjev i u njemu su predstavljene osnovne informacije o Fondu, postupku za dobijanje sredstava i iznose koje su pomenute države dobile uslijed prirodnih katastrofa i Kovida-19.

Fond je osnovan s ciljem pružanja brze i efikasne pomoći državama članicama koje su pogođene prirodnim katastrofama, kao što su poplave, zemljotresi, suše ili druge velike nesreće. Ovaj Fond omogućava Evropskoj uniji (u daljem tekstu: EU) da pokaže solidarnost s pogođenim područjima, pomažući im u oporavku i sanaciji šteta. Njegova osnovna svrha je obezbjeđivanje finansijske podrške za hitne mjere, čime se ublažava uticaj katastrofa na ekonomiju i kvalitet života pogođenih građana. Osim toga, Fond igra ključnu ulogu u jačanju kohezije unutar EU, pružajući pravovremenu i efikasnu reakciju na krizne situacije. Pored država članica EU, pristup imaju i države kandidati za članstvo u EU, čime se pokazuje solidarnost sa državama koje su u procesu pridruživanja EU. Ovaj pristup državama kandidatima doprinosi jačanju međusobne povezanosti i podstiče regionalnu stabilnost i oporavak u slučaju katastrofa.

Osnovne informacije o Fondu solidarnosti

Pomoć iz Fonda može zatražiti država članica EU ili država kandidat u procesu pristupanja EU, a koja se, prema EU propisima, naziva „prihvatljiva država”. Ova pomoć postaje dostupna kada se na području te države dogodi ozbiljna prirodna katastrofa koja značajno ugrožava životne uslove ljudi, prirodnu sredinu ili ekonomiju.


Prirodna katastrofa može biti katastrofa velike razmjere ili regionalna, a oba ova pojma imaju svoje definicije. Velika prirodna katastrofa je ona koja državi u cjelini prouzrokuje štetu veću od tri milijarde evra, računajući aktuelne ekonomske pokazatelje, ili štetu koja prelazi 0,6% bruto nacionalnog dohotka te države. To znači da, ako katastrofa izazove štetu koja predstavlja značajan udarac ukupnoj ekonomiji države, država može Fondu podnijeti zahtjev za pomoć. Regionalna prirodna katastrofa se odnosi na prirodnu katastrofu koja pogađa samo određenu regiju unutar države, na nivou koji se u EU označava kao NUTS 2.¹ Da bi se katastrofa smatrala regionalnom prirodnom katastrofom, šteta u toj regiji mora biti veća od 1,5% bruto domaćeg proizvoda (u daljem tekstu: BDP) te regije. Međutim, ako je pogođena regija udaljena ili specifična zbog svog geografskog položaja, na primjer ostrvska ili planinska područja, prag za aktiviranje pomoći je niži i iznosi 1% BDP-a te regije. Ako katastrofa zahvati više regija u istoj državi, prag za pomoć računa se na osnovu prosječnog BDP-a pogođenih regija, uzimajući u obzir koliko je svaka regija pogođena štetom. Ovo omogućava pravičniju i precizniju procjenu ukupne štete.

Važno je napomenuti da se pomoć iz Fonda može aktivirati i u situacijama kada prirodna katastrofa pogađa susjednu EU državu ili susjednu prihvatljivu državu, a šteta je velika. Time se pokazuje solidarnost između država i podrška u složenim i prekograničnim krizama. Za procjenu štete koriste se službeni statistički podaci Eurostata, što znači da cijene i ekonomski pokazatelji moraju biti ustanovljeni na pouzdanim i usklađenim informacijama. Sve ove mjere i kriterijumi osiguravaju da Fond pomogne tamo gdje je šteta stvarno velika i gdje je pomoć najpotrebnija, bilo da se radi o

¹ NUTS 2 su veće administrativne jedinice poput kantona ili oblasti unutar države.

velikim katastrofama koje pogađaju cijele države ili o regionalnim katastrofama koje ozbiljno ugrožavaju određene dijelove države.²

Grafikon 1: Postupak dodjele sredstava iz Fonda solidarnosti EU



² Član 2. Uredbe (EU) br. 661/2014 Evropskog parlamenta i Savjeta od 15. svibnja 2014. o izmjeni Uredbe Savjeta (EZ) br. 2012/2002 o osnivanju Fonda solidarnosti Evropske unije

Detaljnije o postupku za dobijanje sredstava iz Fonda solidarnosti Evropske unije

Kako je već navedeno, tri osnovna kriterijuma za dobijanje sredstava iz Fonda su:

- velike prirodne katastrofe na nacionalnom nivou - kada procijenjena šteta prelazi prag od 0,6% BDP-a pogođene države ili iznosi više od 3 milijarde evra po tekućim cijenama;
- regionalne prirodne katastrofe - kada katastrofa ozbiljno pogodi određenu regiju, a nastala šteta premašuje 1,5% regionalnog BDP-a ili 1% regionalnog BDP-a u slabije razvijenim regijama na nivou NUTS 2;
- katastrofe u susjednim državama - kada prirodna katastrofa u jednoj državi EU ima ozbiljne posljedice i u susjednoj državi, ta država također može podnijeti zahtjev za pomoć.

U Grafikonu 1 smo predstavili tok postupka koji pokazuje kako države članice EU ili država koja je u procesu pristupanja EU može tražiti i koristiti sredstva Fonda nakon prirodnih katastrofa. U nastavku teksta smo opširnije objasnili postupak za dobijanje sredstava.

Pojava katastrofe

Kada se dogodi prirodna katastrofa u državi članici EU ili državi kandidatkinji, prvi korak za aktiviranje pomoći iz Fonda jeste evidentiranje štete i utvrđivanje njenog opsega. Katastrofa mora biti velika, odnosno mora premašiti određene pragove štete definisane uredbom EU.

Procjena štete na nacionalnom nivou

Prikupljanje i evidentiranje podataka obuhvata podatke o šteti na infrastrukturi, domaćinstvima, poljoprivredi i drugim sektorima. Ove informacije se koriste za procjenu ukupne štete i utvrđivanje ispunjavanja kriterijuma za aktivaciju pomoći.

Podaci o šteti moraju biti usklađeni sa statističkim metodama Eurostata kako bi bili pouzdani i transparentni. Nakon što država prikupi potrebne podatke, podnosi službeni zahtjev Evropskoj komisiji za aktivaciju Fonda. Komisija tada procjenjuje dostavljene podatke i odlučuje o odobravanju pomoći. Treba naglasiti da šteta mora premašiti prethodno navedeni prag da bi država bila kvalifikovana (0,6% BDP-a države članice EU i 1,5% BDP za prihvatljive države).

Procedura podnošenja zahtjeva Evropskoj komisiji

Odgovorna nacionalna tijela prihvatljive države imaju obavezu da, što je prije moguće, a **najkasnije u roku od dvanaest sedmica od nastanka štete**, podnesu Evropskoj komisiji zahtjev za finansijsku pomoć iz Fonda. U tom zahtjevu država treba navesti sve dostupne informacije o ukupnoj direktnoj šteti koju je prouzrokovala katastrofa, njenom uticaju na stanovništvo, ekonomiju i životnu sredinu, procijenjenim troškovima potrebnih operacija, kao i o drugim izvorima finansiranja iz EU i nacionalnih ili međunarodnih izvora, uključujući i osiguranje koje može pokriti dio troškova popravke štete. Takođe, u zahtjevu treba dati kratak opis sprovođenja EU zakona o prevenciji i upravljanju rizikom od katastrofa vezano za konkretnu vrstu prirodne nepogode.

U posebnim slučajevima, ako je potrebno, nacionalna tijela mogu naknadno dostaviti dodatne ili ažurirane informacije, čak i nakon isteka roka za podnošenje zahtjeva. Evropska komisija je obavezna da pripremi i objavi smjernice o načinu pristupa Fondu i njegovoj efikasnoj primjeni, koje detaljno objašnjavaju postupke za sastavljanje i podnošenje zahtjeva.

U situacijama kada katastrofa ima progresivan razvoj, rok za podnošenje zahtjeva računa se od datuma kada su nadležna javna tijela prvi put zvanično preduzela mjere ili proglasila vanredno stanje.

Na osnovu podnesenih informacija i eventualnih pojašnjenja, Komisija procjenjuje da li su ispunjeni uslovi za aktivaciju Fonda i u **roku od najviše šest sedmica od prijema potpune prijave** donosi odluku o visini finansijske pomoći, uzimajući u obzir raspoloživa finansijska sredstva. Ukoliko se utvrdi da je država prekršila EU propise o prevenciji i upravljanju rizikom od katastrofa, i ukoliko je donijeta konačna sudska presuda, Komisija može odbiti ili smanjiti finansijski doprinos za istu vrstu prirodne nepogode.³

Dodatna dokumentacija uz prijavu:

- **Aneks 1:** Mape pogođenih područja;
- **Aneks 2:** Kratak opis meteorološke situacije, ako je primjenljivo;
- **Aneks 3:** Detaljan pregled štete prema kategorijama;
- **Aneks 4:** Opis metoda za procjenu štete;
- **Aneks 5:** Fotografije i druga dokumentacija;
- **Aneks 6:** Finansijska identifikacija, ako je potrebna.

Evropska komisija pruža tehničku pomoć državama koje se suočavaju sa izazovima u pripremi i podnošenju zahtjeva za finansijsku pomoć iz Fonda. Ova pomoć obuhvata različite oblike podrške, uključujući onlajn platforme koje omogućavaju lakši pristup potrebnim informacijama i dokumentaciji, detaljne vodiče⁴ koji objašnjavaju postupak podnošenja zahtjeva, kao i mogućnost direktne pomoći kroz konsultacije i savjete stručnjaka. Cilj ove tehničke podrške je da se osigura pravilno sastavljanje zahtjeva i efikasno korišćenje sredstava Fonda, čime se ubrzava proces i olakšava rješavanje posljedica prirodnih katastrofa.⁵

Procjena Evropske komisije

Nakon što država kandidat ili članica EU podnese kompletan zahtjev za finansijsku pomoć, Evropska komisija započinje procjenu ispunjenosti uslova za mobilizaciju takvih sredstava. Ova procjena zasniva se na informacijama koje je država dostavila o visini nastale štete, uticaju prirodne katastrofe na stanovništvo, ekonomiju i okoliš, kao i na dodatnim pojašnjenjima koja može zatražiti od države. Komisija ima rok od **najviše šest sedmica od prijema potpune prijave** da donese odluku o visini moguće finansijske pomoći, uzimajući u obzir raspoloživa finansijska sredstva. Komisija na pravičan način postupa sa svim zahtjevima za finansijske doprinose iz Fonda.

Ako Komisija utvrdi da su ispunjeni svi potrebni uslovi i pripreme, Evropskom parlamentu i Savjetu EU dostavlja prijedlog za mobilizaciju sredstava iz Fonda. Taj prijedlog sadrži sve relevantne informacije o šteti, dokaz o ispunjenju kriterijuma za dodjelu sredstava i opravdanje traženog iznosa pomoći. Evropski parlament i Savjet EU donose odluku o mobilizaciji sredstava, nastojeći da proces traje što kraće.

Odobrenje Savjeta Evropske unije i Evropskog parlamenta

Poslije kompletirane procedure i prikupljenih svih podataka i dokumenata, Komisija priprema formalni prijedlog za mobilizaciju Fonda.

³ Član 4. Uredbe (EU) br. 661/2014 Evropskog parlamenta i Savjeta od 15. svibnja 2014. o izmjeni Uredbe Savjeta (EZ) br. 2012/2002 o osnivanju Fonda solidarnosti Evropske unije

⁴ Detaljan vodič za prijavu katastrofe (dostupan na engleskom jeziku), internet stranica https://ec.europa.eu/regional_policy/sources/funding/solidarity-fund/app_form_en.docx (datum pristupa 10.7.2024.)

⁵ Fond solidarnosti EU, Evropska komisija, internet stranica https://ec.europa.eu/regional_policy/funding/solidarity-fund_en?utm_source=chatgpt.com (datum pristupa 10.7.2025.)

Prijedlog Komisije potom se upućuje Evropskom parlamentu i Savjetu Evropske unije. Ove dvije institucije imaju ključnu ulogu u odobravanju pomoći. One donose odluku o mobilizaciji sredstava iz Fonda. Ta odluka osigurava da postoji politička saglasnost i transparentnost prije nego što novac bude stavljen na raspolaganje pogođenoj državi.

Zakonski okvir zahtijeva da se ovaj proces obavi što je moguće brže, jer je cilj da finansijska pomoć stigne u najkraćem roku kako bi se ublažile posljedice prirodnih katastrofa. Zbog toga Evropski parlament i Savjet EU nastoje smanjiti administrativne prepreke i ubrzati donošenje odluke.

Isplata sredstava

Nakon što Parlament i Savjet EU odobre potrebna sredstva, Komisija donosi odluku o dodjeli finansijske pomoći i isplaćuje je državi korisnici u jednoj tranši. Ukoliko je ranije isplaćena akontacija, isplaćuje se samo preostali iznos. Prihvatljivost rashoda počinje od prvog dana nastanka štete ili, u slučaju progresivne katastrofe, od datuma kada su nadležna tijela države prvi put preduzela službene mjere ili proglasila vanredno stanje.

Prilikom podnošenja zahtjeva Komisiji, država članica može zatražiti isplatu akontacije. Komisija prethodno provjerava ispunjava li zahtjev tražene uslove i dostupnost budžetskih sredstava. Ako su uslovi ispunjeni i sredstva dostupna, Komisija može donijeti odluku o dodjeli akontacije i isplatiti je odmah, prije donošenja konačne odluke o finansijskom doprinosu. Isplata akontacija ne utiče na konačnu odluku o mobilizaciji sredstava iz Fonda. Iznos akontacije ne smije prelaziti 25% očekivanih sredstava, uz maksimalno ograničenje od 100 miliona evra.⁶ Kada se utvrdi konačan iznos finansijske pomoći, Komisija uračunava iznos isplaćene akontacije prije isplate preostalog dijela finansijskog doprinosa. Takođe, Komisija osigurava povrat eventualno nepropisno isplaćenih akontacija.

Važno je napomenuti da Komisija može odbiti ili smanjiti finansijsku pomoć ako je protiv države pokrenut postupak zbog neispunjavanja EU zakona o prevenciji i upravljanju rizikom od katastrofa, a Sud Evropske unije je donio konačnu presudu o tome.⁷

Realizacija sredstava u državi

Nakon što Evropska komisija donese odluku o dodjeli finansijskog doprinosa iz Fonda, sredstva se isplaćuju državi korisnici u jednoj tranši. Država koristi ta sredstva za sanaciju štete prouzrokovane prirodnom katastrofom, u skladu s planom i prioritetima koje je prethodno prijavila u zahtjevu Komisiji.

Realizacija sredstava obuhvata finansiranje hitnih mjera, kao što su sanacija infrastrukture, pomoć pogođenom stanovništvu, kao i aktivnosti usmjerene na sprječavanje daljnje štete i ublažavanje posljedica katastrofe. Sredstva se koriste i za obnovu kulturnih dobara, zaštitu životne okoline i druge povezane aktivnosti.

Tokom realizacije, država je obavezna da vodi transparentnu evidenciju o troškovima i aktivnostima finansiranim iz Fonda, te da redovno izvještava Evropsku komisiju o napretku i utrošku sredstava.

⁶ Uredba (EU) 2020/461 evropskog parlamenta i Savjeta od 30. ožujka 2020. o izmjeni Uredbe Savjeta (EZ) br. 2012/2002 radi pružanja finansijske pomoći državama članicama i državama koje pregovaraju o pristupanju EU ozbiljno pogođenima vanrednim stanjem velikih razmjera u području javnog zdravlja
<https://eur-lex.europa.eu/legal-content/HR/TXT/?uri=CELEX:32020R0461> (datum pristupa 10.7.2025.)

⁷ Član 4a. Uredbe (EU) br. 661/2014 Evropskog parlamenta i Savjeta od 15. svibnja 2014. o izmjeni Uredbe Savjeta (EZ) br. 2012/2002 o osnivanju Fonda solidarnosti Evropske unije

Komisija prati pravilnu upotrebu sredstava i može tražiti dodatne informacije ili vršiti reviziju ukoliko je potrebno.

Nadzor, izvještavanje i završni izvještaj

Godišnji izvještaji sadrže poglavlja o monitoringu i zatvaranju slučajeva, što pokazuje da Komisija ne samo da prati tok implementacije, nego i analizira završene slučajeve, vršeći prateće nadzore na terenu. Komisija sprovodi nadzor nad korišćenjem sredstava iz Fonda, kako bi se osigurao transparentan i pravilno usmjeren utrošak tih sredstava. U slučaju nepravilne upotrebe ili nenamjenskog trošenja, Komisija ima pravo da povрати isplaćena sredstva od države korisnice. Ovaj mehanizam povrata predstavlja ključnu komponentu nadzora i obezbjeđuje da sredstva Fonda budu korišćena u skladu s predviđenim ciljevima za sanaciju štete izazvane prirodnim katastrofama. Povrat sredstava može biti pokrenut ukoliko se utvrdi da su sredstva potrošena za neodobrene ili nepravilne aktivnosti.⁸

Propisi EU koje uređuje dobijanje pomoći iz Fonda solidarnosti

Uredbe

- [**Uredba \(EZ\) br. 2012/2002**](#) – osnova Fonda, definiše uslove mobilizacije pomoći u slučaju velikih prirodnih katastrofa ili hitnih javnozdravstvenih situacija.
- [**Uredba \(EU\) br. 661/2014**](#) – vrši reformu Fonda, pojednostavljuje procedure, produžava rokove, uvodi akontaciju, jasnije definiše kriterijume za regionalne katastrofe.
- [**Uredba \(EU\) br. 2020/461**](#) – proširuje opseg Fonda i na velike javnozdravstvene hitne situacije poput pandemija, povećava maksimalni iznos akontacije sa 30 na 100 miliona evra i povećava iznos akontacije sa 10% na 25% tražene pomoći.

Rezolucije Evropskog parlamenta

- [**Rezolucija EP od 18. maja 2021. \(2020/2087\(INI\)\)**](#) – pruža pregled i preporuke za reformu Fonda, ističe potrebu za prilagođavanjem klimatskim promjenama i pandemijama, naglašava „obnovu na bolji način“ (*Build Back Better*), poziva na bolju transparentnost i vidljivost pomoći, te sinergiju sa ostalim instrumentima.
- [**Rezolucija EP od 24. novembra 2020.**](#) – odnosi se na mobilizaciju Fonda i isplatu akontacije u kontekstu prirodnih katastrofa i javnozdravstvenih hitnih situacija, uključujući konkretne primjere pomoći (Hrvatska, Poljska, pandemija Kovid-19).
- [**Rezolucija EP od 20. oktobra 2021. \(2020/2127\(INI\)\)**](#) – fokusira se na efikasnost korišćenja sredstava iz Fonda, transparentnost, kontrole i sprječavanje zloupotreba u državama korisnicama.
- [**Rezolucija EP od 14. decembra 2021.**](#) – specifično se bavi mobilizacijom Fonda za potrese u Hrvatskoj krajem 2020. godine, potvrđuje potrebu za brzim reagovanjem i odgovarajućim finansiranjem.

⁸ Evropski fond solidarnosti - Godišnji izveštaj za 2011. godinu, EurLex, internet stranica https://eur-lex.europa.eu/legal-content/en/ALL/?uri=CELEX%3A52012DC0523&utm_source=chatgpt.com (datum pristupa 10.7.2025.)

Tabela 1: Tražene države korisnice pomoći Fonda solidarnosti EU od 2002. godine do januara 2025. godine

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM) ⁹
Hrvatska	maj 2010.	poplave	susjedna prihvatljiva država	153,00	3,80	1.033.290.000 EUR (2.020.939.580 BAM)
	septembar 2010.	poplave	susjedna prihvatljiva država	47,00	1,20	
	oktobar 2012.	poplave	susjedna prihvatljiva država	12,00	0,287	
	januar 2014.	led i poplave	prirodna katastrofa velikih razmjera	292,00	8,60	
	maj 2014.	poplave	prirodna katastrofa velikih razmjera	298,00	8,90	
	februar 2020.	Kovid-19	pandemija	358,50	7,60	
	mart 2020.	zemljotres (Zagreb)	prirodna katastrofa velikih razmjera	11.572,60	683,70	
	decembar 2020.	Zemljotres (Petrinja)	prirodna katastrofa velikih razmjera	5.508,70	319,20	
Crna Gora	mart 2020.	Kovid-19	pandemija	15,30	0,20	200.000 EUR (391.166 BAM)

⁹ Sve konverzije novca su urađene po srednjem kursu Centralne banke Bosne i Hercegovine na dan 10.9.2025. godine, internet stranica <https://www.cbbh.ba/currencyexchange/?lang=bs>

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)⁹
Srbija	maj 2014.	poplave	prirodna katastrofa velikih razmjera	1.105,00	60,20	72.100.000 EUR (141.015.343 BAM)
	mart 2020.	Kovid-19	pandemija	495,40	11,90	
Slovenija	Maj 2010.	poplave	prirodna katastrofa velikih razmjera	233,00	8,30	476.710.000 EUR (932.363.719 BAM)
	septembar 2007.	poplave	prirodna katastrofa velikih razmjera	251,00	7,50	
	oktobar 2012.	poplave	prirodna katastrofa velikih razmjera	360,00	14,10	
	januar 2014.	ledena oluja	prirodna katastrofa velikih razmjera	429,00	18,40	
	avgust 2023.	poplave	prirodna katastrofa velikih razmjera	7.320,20	428,41	

Bosna i Hercegovina

Savjet ministara Bosne i Hercegovine je na sjednici održanoj 30. oktobra 2024. godine usvojio Informaciju o Fondu i Model koordinacije za pripremu aplikacije za saniranje posljedica poplava koje su pogodile državu početkom oktobra iste godine. Bosna i Hercegovina, kao država kandidat za članstvo u Evropskoj uniji, ima mogućnost korišćenja ovog Fonda.

U cilju pravovremenog podnošenja aplikacije, Savjet ministara BiH je 7. novembra 2024. godine donio Odluku o formiranju Tima za pripremu aplikacije, a njegov zadatak je da:

- hitno izradi plan aktivnosti za procjenu šteta,
- koordinira proces prikupljanja i validacije podataka s terena,
- vodi komunikaciju s Generalnom direkcijom Evropske komisije za regionalnu i urbanu politiku,
- saraduje s Direkcijom za evropske integracije i nadležnim institucijama na svim nivoima vlasti.

Rok za završetak svih aktivnosti i podnošenje aplikacije Evropskoj komisiji bio je 26. decembar 2024. godine, odnosno u okviru propisanih 12 sedmica od dana nastanka nesreće.

Članovi Tima su službenici iz Kabineta predsjedavajuće Savjeta ministara BiH, Ministarstva bezbjednosti, Ministarstva finansija i trezora, Direkcije za evropske integracije, Agencije za statistiku BiH te entitetskih uprava civilne zaštite. U rad Tima bili su uključeni i predstavnici opštinskih, kantonalnih i entitetskih institucija, kao i stručnjaci po potrebi. Ministarstvo bezbjednosti BiH i Direkcija za evropske integracije su zaduženi za pružanje tehničke i stručne podrške u procesu pripreme aplikacije.¹⁰

Evropska komisija je 27. maja 2025. godine predložila alokaciju ukupno 280 miliona evra (547.632.400 BAM)¹¹ iz Fonda za podršku državam pogođenim poplavama u septembru i oktobru 2024. godine. **Bosni i Hercegovini je namijenjeno 45,7 miliona evra (89.381.431 BAM)** za sanaciju šteta nastalih uslijed snažnih poplava i klizišta koje su pogodile centralni dio države početkom oktobra 2024. godine.

Nakon odobrenja u Evropskom parlamentu i Savjetu EU Bosni i Hercegovini će sredstva biti isplaćena u jednoj tranši. Ova pomoć predstavlja značajnu podršku državi u procesu oporavka i obnove nakon katastrofalnih poplava.¹²

¹⁰ Savjet ministara BiH, Savjet ministara BiH pokreće aktivnosti za dobijanje finansijskih sredstava iz Fonda solidarnosti EU za poplavljena područja u BiH, internet stranica

https://vijeceministara.gov.ba/saopstenja/sjednice/saopstenja_sa_sjednica/default.aspx?id=43989&langTag=sr-SP-Cyrl i Formiran tim za pripremu aplikacije za Fond solidarnosti EU za saniranje posljedica poplava u BiH internet stranica https://vijeceministara.gov.ba/saopstenja/sjednice/saopstenja_sa_sjednica/default.aspx?id=44018&langTag=sr-SP-Cyrl (datum pristupa 6.8.2025.)

¹¹ Sve konverzije novca su urađene po srednjem kursu Centralne banke Bosne i Hercegovine na dan 10.9.2025. godine, internet stranica <https://www.cbbh.ba/currencyexchange/?lang=bs>

¹² Evropska komisija, 280 miliona evra za pomoć Austriji, Češkoj, Poljskoj, Slovačkoj, Bosni i Hercegovini i Moldaviji u oporavku od poplava, internet stranica https://enlargement.ec.europa.eu/news/eu280-million-help-austria-czechia-poland-slovakia-bosnia-and-herzegovina-and-moldova-recover-floods-2025-05-27_en?utm_source=chatgpt.com (datum pristupa 6.8.2025.)

Crna Gora

Crna Gora je tokom pandemije Kovid-19 dobila naknadu iz Fonda u iznosu **od 200.000 evra (391.166 BAM)**, koja je stigla u martu 2021. godine. Ova sredstva su omogućena kao dodatna finansijska podrška u okviru šireg paketa od skoro 530 miliona evra (1.036.589.900 BAM), koji je predložila Evropska komisija, i bila su namijenjena za javno zdravlje, nabavku medicinske i lične zaštitne opreme, hitne mjere podrške stanovništvu, pripreme za prevenciju i nadzor širenja virusa.¹³

Hrvatska

Hrvatska je u više navrata koristila sredstva iz Fonda solidarnosti EU za sanaciju posljedica prirodnih katastrofa, prvenstveno poplava i zemljotresa. Još 2010. godine dodijeljena su sredstva zbog poplava koje su pogodile susjedne države, a manji dio štete zahvatio je i Hrvatsku. U periodu od 2012. do 2014. godine uslijedile su nove elementarne nepogode, među kojima se posebno izdvajaju velike poplave i ledena nepogoda početkom 2014. godine, za koje je Hrvatska dobila značajnu pomoć. Najveći iznos sredstava uslijedio je nakon razornih zemljotresa koji su pogodili Zagreb u martu 2020. i Petrinju sa okolinom u decembru iste godine, kada je Hrvatska iz Fonda ukupno dobila više od milijardu evra. Ova sredstva su bila ključna za obnovu infrastrukture, bolnica, škola i objekata kulturne baštine. Hrvatska je među najvećim korisnicima Fonda u Evropskoj uniji budući da je u posljednjih petnaest godina dobila ukupno 1.033.290.000 eura (**2.020.939.580 BAM**).¹⁴ Detaljniji podaci o novčanoj pomoći za prirodne katastrofe i Kovid-19 su predstavljeni u Tabeli 1.

Sjeverna Makedonija

Sjeverna Makedonija, kao kandidatkinja za članstvo u EU, može podnositi zahtjeve za pomoć iz Fonda u slučaju velikih prirodnih katastrofa. Međutim, prema dostupnim informacijama, Sjeverna Makedonija do sada nije koristila ova sredstva.

Srbija

Srbija, kao država kandidat, uspješno je koristila sredstva iz Fonda u nekoliko ključnih situacija. Najznačajnija pomoć joj je odobrena poslije katastrofalnih poplava 2014. godine, kada je Srbija dobila **oko 60 miliona evra (117.349.800 BAM)**. Ova sredstva iskorišćena su za obnovu puteva, željeznice, mostova, škola, domova zdravlja i drugih javnih objekata.

Tokom pandemije Kovid-19 Srbija je dobila i dodatnih **12 miliona evra (23.469.960 BAM)**, koji su usmjereni na hitne zdravstvene mjere i jačanje zdravstvenog sistema. Kada se sve sabere, ova država je do sada dobila **približno 72 miliona evra iz Fonda (141.015.343 BAM)**. Ova pomoć pokazuje da EU u kriznim situacijama pruža podršku Srbiji na isti način kao i državama članicama, naglašavajući princip evropske solidarnosti.¹⁵

¹³ Delegacija Evropske unije u Crnoj Gori, internet stranica

https://www.eeas.europa.eu/delegations/montenegro/solidarnost-eu-na-djelu-crna-gora-dobija-dodatna-sredstva-od-eu-za-borbu-protiv-korona-virusa_me?utm_source=chatgpt.com datum pristupa (13.8.2024.)

¹⁴ Evropska komisija, Više od milijardu evra iz Fonda solidarnosti EU-a za obnovu nakon potresa u Hrvatskoj internet stranica https://croatia.representation.ec.europa.eu/news/vise-od-milijardu-eura-iz-fonda-solidarnosti-eu-za-obnovu-nakon-potresa-u-hrvatskoj-2023-10-04_hr?utm_source=chatgpt.com (datum pristupa 12.8.2024.)

¹⁵ Ministarstvo za evropske integracije, internet stranica https://www.mei.gov.rs/eng/funds/isdacou/eu-funds/?utm_source=chatgpt.com i Podrška za partnerstvo, internet stranica https://support4partnership.org/en/news/12-million-euros-for-serbia-from-eu-solidarity-fund?utm_source=chatgpt.com (datum pristupa 12.8.2024.)

Kosovo*

Kosovo* je jedno od područja koja su uključena u Proces stabilizacije i pridruživanja s Evropskom unijom, ali nije formalno priznato kao kandidat za članstvo u EU. Umesto toga, Kosovo* ima status potencijalnog kandidata, što znači da je na putu približavanja EU¹⁶ i kao takvo može podnositi zahtjeve za pomoć iz Fonda, ali prema dostupnim informacijama do sada nije koristilo ta sredstva.

Slovenija

Slovenija je više puta koristila sredstva iz Fonda solidarnosti EU nakon velikih prirodnih katastrofa. U septembru 2007. godine Sloveniju su pogodile velike poplave koje su prouzrokovale štetu procijenjenu na oko 251 miliona evra (490.913.330 BAM). Evropska komisija je tada odobrila pomoć od 7,5 miliona evra (14.668.725 BAM) iz Fonda. Sledeće poplave desile su se maja 2010. godine i nanijele su štetu od oko 233 miliona evra (455.708.390 BAM), a EU je reagovala dodjelom 8,3 miliona evra (16.233.389 BAM). Još jedan talas poplava pogodio je Sloveniju u oktobru 2012. godine. Slovenija je dobila 14,1 milion evra (27.577.203 BAM) iz Fonda. Snažna ledena oluja u ovoj državi je izazvala veliku materijalnu štetu u januaru 2014. godine zbog čega je Komisija Sloveniji dodijelila sredstva od 18,4 miliona evra (35.987.272 BAM).

U avgustu 2023. godine Sloveniju su pogodile katastrofalne poplave, koje su proglašene najtežom prirodnom katastrofom u novijoj istoriji te države. Poplave su izazvale ogromnu materijalnu štetu, jer su oštećeni putevi, energetske sistemi, domovi, mostovi, a pogođeno je gotovo dvije trećine teritorije države sa ukupnom štetom procijenjenom na **7,32 milijarde evra (14.316.675.600 BAM)**. Evropska komisija je Sloveniji odobrila **rekordnu pomoć od 428,4 miliona evra (837.877.572 BAM)**, od čega je **100 miliona evra (195.583.000 BAM)** odmah isplaćeno kao akontacija.¹⁷

U periodu od 2007. do 2023. godine, Slovenija je **ukupno dobila 476,71 miliona evra (932.363.719 BAM)** iz Fonda, što je svrstava među države koje su najčešće koristile ovaj mehanizam u odnosu na svoju veličinu i učestalost prirodnih nepogoda.

¹⁶ Proširenje, Evropska komisija, internet stranica https://enlargement.ec.europa.eu/enlargement-policy/glossary_en?utm_source=chatgpt.com (datum pristupa 12.8.2024.)

¹⁷ Evropska komisija, internet stranica https://ec.europa.eu/regional_policy/whats-new/newsroom/29-11-2023-eu-solidarity-fund-grants-eur100-million-of-advance-payment-to-slovenia-following-the-summer-floods_en?utm_source=chatgpt.com (datum pristupa 12.8.2024.)

Tabela 2: Ostale države korisnice pomoći iz Fonda solidarnosti EU od 2002. godine do januara 2025. godine

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM) ¹⁸
Albanija	mart 2020.	Kovid-19	pandemija	54,80	0,90	900.000 EUR (1.760.247 BAM)
Austrija	avgust 2002.	poplave	prirodna katastrofa velikih razmjera	2.900,00	134,0	224.540.000 EUR (439.162.068 BAM)
	avgust 2005.	poplave (Tirol, Vorarlberg)	regionalna prirodna katastrofa	592,00	14,80	
	novembar 2012.	poplave (Lavamund)	susjedna prihvatljiva država	10,00	0,24	
	maj 2013.	poplave	susjedna prihvatljiva država	866,00	21,70	
	oktobar 2018.	poplave	susjedna prihvatljiva država	326,10	8,20	
	oktobar 2019.	ekstremni vremenski uslovi	susjedna prihvatljiva država	93,10	1,30	
	februar 2020.	Kovid-19	pandemija	2.132,10	37,30	
	juli 2021.	poplave	susjedna prihvatljiva država	84,60	0,80	
	avgust 2023.	poplave	susjedna prihvatljiva država	207,90	5,20	
Bugarska	maj 2005.	poplave	prirodna katastrofa velikih razmjera	222,00	9,70	41.500.000 EUR (81.166.945 BAM)
	avgust 2005.	poplave	prirodna katastrofa velikih razmjera	237,00	10,60	
	juni 2014.	poplave	prirodna katastrofa velikih razmjera	311,00	10,50	

¹⁸ Sve konverzije novca su urađene po srednjem kursu Centralne banke Bosne i Hercegovine na dan 10.9.2025. godine, internet stranica <https://www.cbbh.ba/currencyexchange/?lang=bs>

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
	juli 2014.	poplave	regionalna prirodna katastrofa	79,00	2,00	
	januar 2015.	surovi zimski uslovi	prirodna katastrofa velikih razmjera	243,00	6,40	
	oktobar 2017.	poplave (Burgas)	regionalna prirodna katastrofa	90,00	2,30	
Belgija	juli 2021.	poplave	prirodna katastrofa velikih razmjera	5.565,80	87,74	95.340.000 EUR
	februar 2020.	Kovid-19	pandemija	358,50	7,60	(186.468.832 BAM)
Kipar	april 2008.	Suša	prirodna katastrofa velikih razmjera	165,00	7,60	14.900.000 EUR
	juni 2016.	suša i požari	prirodna katastrofa velikih razmjera	181,00	7,30	(29.141.867 BAM)
Češka Republika	avgust 2002.	poplave	prirodna katastrofa velikih razmjera	2.300,00	129,00	178.300.000 EUR (348.724.489 BAM)
	maj 2010.	poplave	susjedna prihvatljiva država	205,00	5,10	
	avgust 2010.	poplave	regionalna prirodna katastrofa	437,00	10,90	
	jun 2013.	poplave	susjedna prihvatljiva država	637,00	15,90	
	mart 2020.	Kovid-19	pandemija	959,20	17,40	
Estonija	januar 2005.	oluja	prirodna katastrofa velikih razmjera	48,00	1,30	92.700.000 EUR
	januar 2020.	Kovid-19	pandemija	4.284,60	91,40	(181.305.441 BAM)
	septembar 2002.	poplave (Gard)	regionalna prirodna katastrofa	835,00	21,00	
	decembar 2003.	poplave (Vale di Ron)	regionalna prirodna katastrofa	785,00	19,60	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
Francuska	februar 2007.	ciklon Gamed (la Rejunion)	regionalna prirodna katastrofa	211,00	5,30	450.060.000 EUR (880.240.849 BAM)
	avgust 2007.	uragan Den (Martinik)	regionalna prirodna katastrofa	509,00	12,80	
	januar 2009.	oluja Klaus	prirodna katastrofa velikih razmjera	3.806,00	109,40	
	februar 2010.	oluja Ksintija	regionalna prirodna katastrofa	1.425,00	35,60	
	septembar 2017.	uragani Irma i Maria	regionalna prirodna katastrofa	1.956,00	48,90	
	oktobar 2020.	oluja Aleks	regionalna prirodna katastrofa	2.373,00	59,30	
	januar 2020.	Kovid-19	pandemija	4.284,60	91,40	
	novembre 2023.	poplave	regionalna prirodna katastrofa	1.870,50	46,76	
Njemačka	avgust 2002.	poplave	prirodna katastrofa velikih razmjera	9.100,00	444,00	1.644.610.000 EUR (3.216.577.576 BAM)
	januar 2007.	oluja Kiril	prirodna katastrofa velikih razmjera	4.750,00	166,90	
	maj 2013.	poplave	prirodna katastrofa velikih razmjera	8.154,00	360,50	
	maj 2016.	poplave (Donja Bravarija)	regionalna prirodna katastrofa	1.259,00	31,50	
	juli 2021.	poplave	prirodna katastrofa velikih razmjera	29.212,90	612,61	
	januar 2020.	Kovid-19	pandemija	2.079,00	29,10	
	mart 2006.	poplave (Evros)	regionalna prirodna katastrofa	372,00	9,30	
	avgust 2007.	šumski požar	prirodna katastrofa velikih razmjera	2.118,00	89,80	
	januar 2014.	zemljotres (Kefalonia)	regionalna prirodna katastrofa	147,00	3,70	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
Grčka	februar 2015.	poplave (Centralna Grčka)	regionalna prirodna katastrofa	263,40	6,59	261.580.000 EUR (511.606.011 BAM)
	februar 2015.	poplave (Evros)	regionalna prirodna katastrofa	132,50	3,31	
	novembar 2015.	zemljotres (Lefkada)	regionalna prirodna katastrofa	66,10	1,60	
	juni 2017.	zemljotres (Lezbos)	regionalna prirodna katastrofa	54,40	1,40	
	juli 2017.	zemljotres (Kos)	regionalna prirodna katastrofa	101,00	2,50	
	februar 2019.	ekstremni vremenski uslovi (Krit)	regionalna prirodna katastrofa	182,10	4,60	
	avgust 2020.	poplave (Evia)	regionalna prirodna katastrofa	132,00	3,30	
	septembar 2020.	ciklon (Ianos)	regionalna prirodna katastrofa	863,50	21,60	
	oktobar 2020.	zemljotres (Samos)	regionalna prirodna katastrofa	101,20	2,50	
	septembar 2021.	zemljotres (Krit)	regionalna prirodna katastrofa	143,40	1,35	
	februar 2020.	Kovid-19	pandemija	623,90	8,50	
	septembar 2023.	ciklon Daniel	prirodna katastrofa velikih razmjera	2.325,20	101,53	
Mađarska	april 2006.	poplave	prirodna katastrofa velikih razmjera	519,00	15,10	77.300.000 EUR (151.185.659 BAM)
	maj 2010.	poplave	prirodna katastrofa velikih razmjera	719,00	22,50	
	mart 2020.	Kovid-19	pandemija	1.633,00	39,70	
Irska	novembar 2009.	poplave	regionalna prirodna katastrofa	521,00	13,00	56.800.000 EUR (111.091.144 BAM)
	februar 2020.	Kovid-19	pandemija	1.996,30	43,80	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM) ¹⁸
Italija	oktobar 2002.	zemljotres (Molise)	regionalna prirodna katastrofa	1.558,00	30,80	3.548.380.000 EUR (6.940.028.055 BAM)
	oktobar 2002.	erupcija vulkana Etna	regionalna prirodna katastrofa	894,00	16,80	
	april 2009.	zemljotres (Abruzo)	prirodna katastrofa velikih razmjera	10.212,00	493,80	
	oktobar 2010.	poplave (Veneto)	regionalna prirodna katastrofa	676,00	16,90	
	oktobar 2011.	poplave (Liguria i Toskana)	regionalna prirodna katastrofa	723,00	18,10	
	maj 2012.	zemljotres Emilia Romagna	prirodna katastrofa velikih razmjera	13.274,00	670,20	
	novembar 2013.	poplave (Sardinia)	regionalna prirodna katastrofa	652,00	16,30	
	oktobar 2014.	poplave	regionalna prirodna katastrofa	2.241,00	56,00	
	avgust 2016 – januar 2017.	zemljotres	prirodna katastrofa velikih razmjera	21.879,00	1,196,80	
	oktobar 2018.	poplave	prirodna katastrofa velikih razmjera	6.630,30	277,20	
	oktobar 2019.	ekstremni vremenski uslovi	prirodna katastrofa velikih razmjera	5.619,90	211,70	
	februar 2020.	Kovid-19	pandemija	3.749,60	76,2	
	septembar 2022.	poplave (Marće region)	regionalna prirodna katastrofa	837,60	20,94	
	maj 2023.	poplave (Emilia-Romagna)	prirodna katastrofa velikih razmjera	8.533,30	378,83	
	oktobar 2023.	poplave (Toskana)	regionalna prirodna katastrofa	2.712,50	67,81	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
Latvija	januar 2005.	oluja	prirodna katastrofa velikih razmjera	193,00	9,50	28.400.000 EUR (55.545.572 BAM)
	avgust 2017.	poplave	prirodna katastrofa velikih razmjera	380,50	17,70	
	mart 2020.	Kovid-19	pandemija	91,90	1,20	
Litvanija	januar 2005.	oluja	susjedna prihvatljiva država	15,00	0,40	20.100.000 EUR (39.312.183 BAM)
	oktobar 2017.	poplave	prirodna katastrofa velikih razmjera	408,00	16,90	
	februar 2020.	Kovid-19	pandemija	176,90	2,80	
Luksemburg	juli 2021.	poplave	susjedna prihvatljiva država	193,30	1,82	4.720.000 EUR (9.231.517 BAM)
	februar 2020.	Kovid-19	pandemija	168,20	2,90	
Malta	septembar 2003.	oluja i poplave	prirodna katastrofa velikih razmjera	30,00	0,96	960.000 EUR (1.877.596 BAM)
Holandija	juli 2021.	poplave	susjedna prihvatljiva država	500,00	4,71	4.710.000 EUR (9.211.959 BAM)
Poljska	maj 2010.	poplave	prirodna katastrofa velikih razmjera	2.994,00	105,60	124.900.000 EUR (244.283.167 BAM)
	avgust 2017.	oluja	regionalna prirodna katastrofa	491,00	12,30	
	juni 2020.	poplave (Podkarpackie)	regionalna prirodna katastrofa	282,80	7,00	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
Portugal	juli 2003.	šumski požar	prirodna katastrofa velikih razmjera	1.228,00	48,50	198.200.000 EUR (387.645.506 BAM)
	februar 2010.	poplave i klizište (Madeira)	prirodna katastrofa velikih razmjera	1.080,00	31,30	
	august 2016.	požari (Madeira)	regionalna prirodna katastrofa	157,00	3,90	
	juni-oktobar 2017.	šumski požar	prirodna katastrofa velikih razmjera	1.458,00	50,70	
	oktobar 2019.	uragan Lorenzo	regionalna prirodna katastrofa	328,50	8,20	
	mart 2020.	Kovid-19	pandemija	2.318,90	55,60	
Rumunija	april 2005.	poplave	prirodna katastrofa velikih razmjera	489,00	18,80	175.000.000 EUR (342.270.250 BAM)
	juli 2005.	poplave	prirodna katastrofa velikih razmjera	1.050,00	52,40	
	juli 2008.	poplave	regionalna prirodna katastrofa	471,00	11,80	
	juni 2010.	poplave	prirodna katastrofa velikih razmjera	876,00	25,00	
	avgust 2012.	suša i požari	prirodna katastrofa velikih razmjera	807,00	2,50	
	april 2014.	poplave	susjedna prihvatljiva država	168,00	4,20	
	juli 2014.	poplave	regionalna prirodna katastrofa	172,00	4,30	
	juni-avgust 2018.	poplave	regionalna prirodna katastrofa	327,70	8,20	
	februar 2020.	Kovid-19	pandemija	841,40	13,90	
	juni 2022.	suša	prirodna katastrofa velikih razmjera	1.317,70	33,90	

Država	Godina / Mjesec	Prirodna katastrofa	Kategorija	Šteta u milionima evra	Pomoć iz fonda u milionima evra	Ukupna pomoć u evrima (ukupna pomoć BAM)¹⁸
Slovačka	novembar 2004.	oluja (Tatras)	prirodna katastrofa velikih razmjera	203,00	5,70	26.100.000 EUR
	maj 2010.	poplave	prirodna katastrofa velikih razmjera	561,00	20,40	(51.047.163 BAM)
Španija	novembar 2002.	izlivanje nafte (Prestiž)	regionalna prirodna katastrofa	436,00	8,60	153.850.000 EUR (300.904.445 BAM)
	avgust 2003.	šumski požar (PT border)	susjedna prihvatljiva država	53,00	1,30	
	maj 2011.	zemljotres (Lorka)	regionalna prirodna katastrofa	843,00	21,10	
	oktobar 2017.	šumski požar	susjedna prihvatljiva država	129,00	3,20	
	septembar 2019.	ekstremni vremenski uslovi DANA	regionalna prirodna katastrofa	2.269,70	56,70	
	septembar 2021.	erupcija vulkana	regionalna prirodna katastrofa	1.002,50	9,45	
	januar 2020.	Kovid-19	pandemija	2.941,70	53,50	
Švedska	januar 2005.	oluja Gudrun	prirodna katastrofa velikih razmjera	2.297,00	81,70	81.700.000 EUR (159.791.311 BAM)
Velika Britanija	june 2007.	poplave	prirodna katastrofa velikih razmjera	4.612,00	162,30	222.600.000 EUR
	decembar 2015.	poplave	regionalna prirodna katastrofa	2.412,00	60,30	(435.367.758 BAM)